

"bis oins heild" (t: wolf / m: mauerer)

bei ons gibds menscha, die verschlagad sich d renza  
ommm a schdigale brohd ond a subb mid lensa  
so viele kendrr, frauu ond menrr  
gangad hongrig enns bedt, hongrig enns bedt  
manch fedde leibr, dengad senn gscheidrr  
henn enn goldana rolls ond hondrd weibrr  
die reiche seela, gehn schwarz- braun wähla  
ond glauad noh geld, glauad noh geld, glauad noh geld

> des gohd solang guad bis oins heild, des gohd solang guad bis oim mohl d huadschnur  
grachd - des gohd solang guad bis oins heild, des gohd solang guad bis kois meh lachd <

ieh hear eich hetza, lass d z welfe schwädza  
was der doh vrrzehld duad onns ned entsetza  
deahn mieh ned bloahga, deahn eich mohl froahga  
wer dandzd omms goldne kalb, emm wiennrwaldt

> des gohd solang guad bis oins heild, des gohd solang guad bis oim mohl d huadschnur  
grachd - des gohd solang guad bis oins heild, des gohd solang guad bis kois meh lachd <

dandz omms goldne kalb

"breschdleng" (t: wolf / m: mauerer)

grias gott die dama, grias gott die herra  
s isch vierdl noach dreie ond des isch dr baggemer langfong mit seim gardaschbezzial  
heit onderhalda mer ons mohl ibr so raude dengr die emm garda wagsed ond zo  
achdafuffzigtausend brozent aus wasser beschdandad, manche leid erndad se ond machad  
drauss a quarschbeiss so mit quarg ond sahne ond no hogged se em esszemmer ond fressad  
ond mampfad des egelhafde zeig

> breschdleng - i hass - breschdleng <

ja, ja i weiss scho was ihr jetzt sagad der kerle schwätzt so enn scheissdreck raus em  
radio wenn r uff sendong isch aber...  
semdliche ohgraudvrnichdongsmiddl uff dr ganza weld henn jo pauschal mol gar nix brohd,  
ond worom, dess graud wagsd em ohvrschdand wie ohgraud, ha joh, on noh sodsch mol seh  
wie se sich samschdichs ond mittwochs uffm markt sich schier z dod dabbad, sich uff de  
fiass rommschdandad wegga dem egelhafda zeig

> breschdleng - i hass - breschdleng <

bäh - breschdleng

> breschdleng - i hass - breschdleng <

<

"seiferts fritz" (t: wolf / m: mauerer)

beim schaffa doh griag i koine dreggade hend - denn i drahg meischdns schlibbs on a hemd  
i gäbb mid meim händi ooh - denn i benn hald enn reachdr moh  
noh hanne was von meim vaddr griagd - enn rauda golf der durch d gegend fliagd  
drahnei laad i a baar weibr ei - ond schiab mei wirschdle enn die weibr nai

> i benn drr seiferts fritz aus schdrembflbaach <

ond hanne noh - was zom heggara griagd  
die alde am neggschda morga - aus meiner wohnong naussfliagd  
noh gang i hald enns merlin - ond schwätz a andre an d wand  
odrr i gang hoim - ond mach mrrs selbrr mid drr hand

> i benn drr seiferts fritz aus schdrembflbaach <

- breschdleng -  
die oinzigschd schwäbische bänd aus baggnang - schlechd zuah  
drr maurrs-max, drr griagrs jenz onds welfle - gagged ab

> saufalarm <

boah saufalarm, sauf drr drr kolba nai, sauf drr kolba leer

"psychodelic roschdbrohda" (t: wolf / m: mauerer)

enn drr pfanna doh bruzzld schoh ds fedd  
zwiebla senn gschnidda isch dees nedd nett  
dees floisch isch guad abghanga  
ond dees elles wird glei mein hals nahganga

> psychodelic roschdbrohda - psychodelic <

ds floisch wird enn d pfanna naighurgld  
damidd s dord ordendlich durchschmurrigld  
die zwiebla senn au brau emm nuh  
onn noh mach e noh a baar schbedsladrrzuah

> psychodelic roschdbrohda - psychodelic <

vor emm essa hau mir zearschd a woiza nai  
denn vrrduarschda muass ned sai  
ja wiah a schwarze messa  
zelebrier i mei ohbendessa

> psychodelic roschdbrohda - psychodelic <

"schdeffala nuff - schdeffala nah" (t: wolf / m: mauerer)

mir schdohd dr schwoiss emm gsichd vom viehla drebbalaufa  
i benn halb heh i kann kaum noh laufa  
i lauf glaub aus so muass i mieh ohschdrenge  
ond so enn tüpp duad mier enn hella degschd naisenga  
der isch so maagr ond so dirr wiah enn grianr heereng  
on sehd des kommd von seinrr subbrgsonda ernähreng  
ond der frohgd mieh woromm i enn digga ranza hann  
ond der frohgd mieh woromm i enn digga ranza hann  
- dess senn bloss musgla ond sohmaschdreng -

> schdeffala nuff - schdeffala nah <

mrr siehd dass mier meine hosa nemme bassad  
dees senn die kilos die elle von oohs hassad  
onn s tih- schörd schbandd au schoh omm drr ganze ranza romm  
noch mir feddsack drehd sich doch koi sau meh omm  
ja onnsrois brobierd elle diäde aus  
abbr drnoch siehsch meischns noh viel schlemmrr aus  
ond noh frohgsch du mieh woromm i enn digga ranza hann  
ond noh frohgsch du mieh woromm i enn digga ranza hann  
- dess senn bloss musgla ond sohmaschdreng -

> schdeffala nuff - schdeffala nah <

du frohgsch mieh woromm i enn digga ranza hann  
schbätzla - schnitzl  
vom fressa, vom saufa, vom rommlommla - mann  
ond du frohgsch mieh woromm i enn digga ranza hann  
achzich - neinzich  
so siehd r hald aus drr hondrrd- kilo- mann  
- dess senn bloss musgla ond sohmaschdreng -  
- enn quadrr figgr isch emmr enn diggrr -

> schdeffala nuff - schdeffala nah <

# breschdleng



"baggana" (t: wolf / m: mauerer)

fahrsch von stuagrđ noch hall  
kommsch bei ons vorbei, von fall zu fall  
fahrsch von kiberg noch briada  
bleibsch bei ohs mit deim karra liega  
fahrsch von weissa noch aschba  
komm vorbei, dua a bissle raschda  
komm doch her ond gugg de omm  
des schdeddle isch doch gar ned domm

was machsch bei ohs emm friahleng  
lehnsch de uff dr fenschdrbrischdeng  
was machsch bei ohs emm sommer  
gang naus sei koin dommr  
was machsch bei ohs emm herbschd  
gugsch dass da noh a bissle sonna erbschd  
was machsch bei ohs emm emm wendrr  
bald isch wiedrr friahleng emm kalender

> baggana... <

fahred nia wo andersch noh  
s'isch nirgends so scheh wie doh  
guggad eich nirgends andersch omm  
sonschd hauds eich blos noh omm  
saged woandersch nie wo'r herkommad  
die lachad eich aus, dass r'eich bleed vorkommad  
ja aus emm dal drr stinkade nebl  
kommad mir dr erdapebl

> baggana... <

# breschdleng



"roschdich" (t: wolf / m: maurer, janner)

wolkaverhanga  
s end isch doh  
quälende hitz  
dr dohd fir frau ond moh

elles brennd  
koinr kohs löscha  
on elles rennd  
so hats komma missa

aus isch die lebenszeit  
die ledschde mess isch gsonga  
dr alde knochakarl  
hat uff m feierross gwunka

dess isch des deifls lohn  
mir falled omm uff dr schdella  
ja uff ma leichaschdrohm  
deahn mir en d hölla nahschwemma

> d weld isch roschdich <  
> daudasonndich <  
> d luft isch gasich <  
> schwarza doorschdich <  
> schderbensdurschdich <  
> elendsluschdich <  
> d weld isch roschdich <

woh isch mei herrgott noh  
der hat mieh verlassa  
d apokalyps isch doh  
die hat der gern zuglassa

wer so dui erd ohlangt  
ond elles vermient  
der isch doch selber schuld  
der hat dr dohd vrdient

> d weld isch roschdich <  
> daudasonndich <  
> d luft isch gasich <  
> schwarza doorschdich <  
> schderbensdurschdich <  
> elendsluschdich <  
> d weld isch roschdich <

d weld isch roschdich

"schwarzer moh" (t: wolf / m: maurer)

sie verschdeggad sich enn dongle egga  
om gloine kendrr zo verschregga  
sie schdandad hendrr zuahne diera  
om gloine menschla grad weg zo endführa  
firr viele scheinds dr grehschde draum  
liegd des kendle em koffrraum  
schad, dass onsrr schdaad des ned erlaubd  
dass mrr dene uff d gosch nuffhaud

> wer hat angschd vorm schwarza moh - koinrr <  
> ond wenn r kommd noh laufa mrr ned drfoh <

manch oinrr bided a klois zom tee  
ond duad dem menschla noh schregglicg weh  
mrr geild sich uff an dene gloine körbrrr  
ond viele werded ned selda zom mördrr  
die deahn moischd sonderlich ned viel rehda  
deahn die menschla oifach so abdehda  
schad, dass onsrr schdaad des nedda drechd  
dass mrr dene d' gosch naischlechd

> wer hat angschd vorm schwarza moh - koinrr <  
> ond wenn r kommd noh laufa mrr ned drfoh <

ond die leid enn ihre ohwäldsmendl  
die sen fir mieh z'ellergreeschde gsendl  
die henn elle a guades gwissa  
ond wieged sich enn ruhige kissa  
aber fendrrkicker ond arschlechrr  
gibds grad bei denne noch ond nechrr  
ja - wer sich an onsere kendr vrrgreifd  
dem ghert recht gosch eigsoift

> wer hat angschd vorm schwarza moh - koinrr <  
> ond wenn r kommd noh laufa mrr ned drfoh <

wer hat angschd vorm schwarza moh - koinrr  
ond wenn r kommd noh schлага mrr enn her

> wer hat angschd vorm schwarza moh - koinrr <  
> ond wenn r kommd noh laufa mrr ned drfoh <

# breschdleng



"leggr vom neggr" (unreleased) (t: wolf / m: maurer)

> i ben dr leggr vom neggr <  
> ond i fuck for peace uf dr neggrwies <  
> i ben dr megaabchecker <  
> i han se elle ghed, des wois i gwies <

i war noh gloi, ganz frisch uf dera welt  
doh hads scho zwischa meine haxa gschelld  
a schell, a schell, die schelld so laud wie´d hell  
on gjuggd hods doh an derea sella schdell  
dann han i dengd jetzt fiehr en i mohl aus  
on heng en naus, mein blaua glaus  
des deng baumelt ned blos so vor sich noh  
ja des deng isch au ned bloß zom soicha doh

> i ben dr leggr vom neggr <  
> ond i fuck for peace uf dr neggrwies <  
> i ben dr megaabchecker <  
> i han se elle ghed, des wois i gwies <

i han dr schdenddr ghedd von doh bis afrika  
han meh sogar mohl peidscha lau von´ra domina  
legg mieh am arsch heillandszack ond haidanai  
mein oierdruck ja der hed glangd fir zwoi  
han elles gschdocha a jede enge ritz  
han mit dr schlang uff dr blaffo gschbritzt  
mir wars egal wie ald a alde isch  
so lang se neggadich uff mir gridda isch

> i ben dr leggr vom neggr <  
> ond i fuck for peace uf dr neggrwies <  
> i ben dr megaabchecker <  
> i han se elle ghed, des wois i gwies <

so han i effdrs noh a wirschdle vrschdeggd  
des oine on au´s andere weib abcheckt  
oft han i dengd ieh griags ned ganz uff´d reihe  
doch han i elles gebba bis morgends friah om dreie  
en schduagard, ulm, on au uff dr teck  
ja doh han i so manches weible gleckt  
manhmohl isch viel gwäh, von zeit zu zeit  
jetzt bleib i oinara trei, zumindeshd heit

> i ben dr leggr vom neggr <  
> ond i fuck for peace uf dr neggrwies <  
> i ben dr megaabchecker <  
> i han se elle ghed, des wois i gwies <

> i ben dr leggr vom neggr <  
> ond i fuck for peace uf dr neggrwies <  
> i ben dr megaabchecker <  
> i han se elle ghed, des wois i gwies <

# breschdleng



"lombamensch" (unreleased) (t: wolf, krüger / m: mauerer)

i seh die sitza du gugsch so nett  
ond i benn bsoffa so richtig fedd  
i nemm dieh hoim mid hoim en mai bedd  
doch irgendwie doh willsch du nedd  
abbr ieh benns beschde was du jemohls fendsch  
du bisch a lombamensch

> du bisch a lombamensch <

i würd dieh gern küssa ond zwar sofort  
i schwätz dieh oh doch du gohst fort  
lasch mieh oifach schdanda mid meinrr narrakapp  
ond ziehst mid ma andra lombaseggl ab  
abbr ieh benns beschde was du jemohls fendsch  
du bisch a lombamensch

> du bisch a lombamensch <

du bisch ond bleibst a lombamensch

"w.k." (unreleased) (t: wolf / m: mauerer)

ondr denne schwobarock- babdischda - hod oinr ohgfangar zom ausmischda  
oinr hod gnuag ghet vom irdisch gsemml - dromm rockt der jetzt em schwobahemml

wer ondrschreibd mid schwobaroggr - isch enn schdrohsaboahna- vornahoggr  
ja wer hodd denn dees ufo gseah - drr w.k. ischs gweah

> wolle, wolle, wolle, ... - drr w.k. ischs gweah <

wer woiss wo d hasa grasad - d vfb- ler iebst schbielfeld rasad  
ja wer isch enn drr badwann gleah - drr w.k. ischs gweah

> wolle, wolle, wolle, ... - drr w.k. ischs gweah <

drr w.k. ischs gweah

> wolle, wolle, wolle, ... - drr w.k. ischs gweah <